

八瓊室金石補正

八瓊室金石補正卷一百二十七

太倉陸增祥撰

男 繼輝校錄

吳興劉承幹覆校

金五

重修蜀先主廟碑

高八尺八寸廣三尺八寸廿一行行五十字字徑一寸二分行書篆額題重修蜀先主廟之記八字在涿州樓桑村

重修蜀先主廟碑

雋林郎前鄭州防禦判官提舉學校常平倉事武騎尉賜緋魚袋王庭筠書篆

仁者未必成功成功者未必仁仁者之心以仁天下
不仁者之心以仁濟其私故善論人者論其心之何如
而成敗不與以仁濟其者發于其言見于其事亦仁
也蓋竊仁以欺天下夫竊仁者是有大不仁根著于心
然竊者易窮也而根著于心者卒不可掩天下之人莫
不腹胷臆唾雖一時成功旋與草木共腐矣仁者之心
不以其身其家而以天下故天下之人亦相與謳歌戴
仰顙以爲吾君雖生無成功天下之人莫不歎惜至後
世猶喜稱道精爽在天能推其仁心用之不已施之不
竭呼吸而雨雲咄嗟而風霆只尺萬里朝夕千載此理

之自然無足恠者先主仁人也當陽之役不以身而以民永安之命不以家而以賢雖不能如其言要之其心如是而已有厚愛天下之心必饗天下之報至今天下之人猶嘆惜其無成而喜稱道之涿之人又祠而奉之宜哉涿先主之故家也廟距州西南十里而違庭有石乃刺史婁居迺重修記唐乾寧四年也則血食于此舊矣歲久屋老纔庇風雨永安二年夏四月里民始議增葺于是富者以資巧者以藝少者走以服其勞老者坐以董其功稍完治中堂新作門屏又作兩廡配祀元臣諸葛孔明關雲長法孝直在東廡土元張益德簡憲和

在西既成具興廢歲月之文于庭筠將以刻諸石庭筠曰五季兵火之餘室廬焚蕩殆盡而廟兒踴然獨存悍夫暴客過堂下歛兵肅跪不敢犯則其仁之入民也深矣大哉仁乎蘊之于心充于天地被于万物蓋有□與死而俱亡者幽而爲神其遺澤殘烈句及天下後世以達其生平未厭之心必矣豈獨私于一鄉哉祠而奉之者特其鄉人之情耳庭筠既書其事復作歌遺之使迎送神佐其鼓舞以樂之云先王建安廿六年卽皇帝位後謚曰昭烈若夫虛名末飾非其心也唐石題曰蜀主廟今仍之其辭曰舜禹不可作兮古猷日潰盜聒盜守

兮栖不爲恠仁人起兮力砭其廢志天下兮豈獨爲漢
計大統未一方時已逝奄爲神明兮陟配上帝何紓我
憂兮仁及異世彼操丕兮死爲妖豸握長鈇兮載芟載
剗燕山之隅兮范水之裔平疇如砥兮惟神之豐沛鬱
童、兮羽葆蓋悵籬樹兮今安在記兒時之舊事兮想
亦爲之一愴神之去來兮蒼虬翠馱粲華裾兮鏘鳴玉
佩絙瑟而吹簫兮紛群音之繁會牲肥酒香兮神其飫
醉來雲度帟兮回風滿旆將而送兮百拜民不忘兮遺
愛駟螭蝗兮癘疫時雨暘兮屢歲俾富康兮耆艾民德
神兮事之無替

承安四年四月望

登仕郎范陽縣主簿兼管勾常平倉事劉大有

忠武校尉范陽縣令兼管勾常平倉事武騎尉張

繹

昭武大將軍行涿州刺史兼知軍事提點 山陵提

舉常平倉事上輕車都尉彭城郡開國伯食邑七伯

戶蒲察克溫立石

京畿金石考載唐乾甯四年蜀先主廟碑云見金

石文字記撰人姓郭無名訪碑錄載乾符四年蜀

主廟記鄭筠撰書筠清館載婁居延重修蜀主廟

記郭筠撰書文云歲次丁酉則是乾符四年非乾甯也然此碑所敘明云乾甯四年疑孫氏吳氏所載有誤矣据此碑則重修者爲婁居迺金石文字記作婁居道筠清館作婁居延又復歧異未得拓本附記於此

懷州靜應廟額牒

高二尺廣四尺共十六行字
數字體大小均不一在河內

尚書省昧懷州靜應廟

禮部狀承都省付下懷州奏知河內縣事陳崇狀有

上清紫虛元君南嶽魏夫人廟祈雨應驗乞賜顏額
尋下太常寺看詳據本寺狀本寺令節文諸神祠應
旌封者先賜額合取自朝廷指揮

膝奉

勅宜賜靜應廟爲額膝至准

勅故膝

崇寧三年五月十五日牒

左光祿大夫守右丞吳押

司空兼左僕射押

李□刊

本廟功德主郭□□

大金承安四年己未歲五月晦紫陵故醫生王師□
男激澤濟上石

右懷州靜應廟額牒在河內牒賜于宋石刻于金
承安四年當宋慶元五年距賜牒時九十五年矣
左光祿大夫守右丞吳者吳居厚也司空兼左僕
射者當是蔡京也

重立鄧太尉祠碑

高四尺八寸二分廣二尺四寸六分共廿四行記文
行五十餘字不一字徑七分正書篆額題魏太尉鄧
公碑六字
在蒲城

夫自古立功立言之臣非徒有益於當時抑其遺芳餘

烈足以播於無窮傳於萬世而爲不朽之計代有人焉

尙慮功立而主不知事成而上不察吞聲飲恨爲天下

之所惜□勝歎哉□命將之諱曰自閩以外將軍制之

言得專其事也及其伐叛取國務在鎮安百姓以收其

心而反拘以常憲事須當報不宜輒行則遂抵淪敗吾

於太尉鄧侯見其人矣太尉諱艾字士載義陽棘陽人

也始以見知於司□□王辟之爲椽稍遷尙書郎□參

征西將軍事遷南安太守賜爵關內侯加討寇將軍後

遷城陽太守再遷汝南太守兗州刺史加振威將軍高

貴鄉公卽尊位進位□城亭侯行□□將軍甘露元年

詔以爲鎮西將軍都督隴右諸軍事進封鄧侯分□□

戶封其子忠爲亭侯二年遷征西將軍前後增邑凡六

千六百戶其詔曰曜威奮武深入虜庭謂禽劉禪也斬

將寧旗梟其鯨鯢爲破文欽也使僭號之主係頸謂禪

率太子諸王及羣臣面縛詣軍門也歷年逋誅一朝而

平謂巴蜀四十餘年限於一方也兵不踰時戰不終日

雲徹席卷蕩定巴蜀謂旬日之間□平定也其勲業之

美功德之隆可謂冠一時矣無何姦臣鍾會構成禍基

使太尉羅其凶害子孫遷徙天下痛心晉室爰興泰始

三年議郎段灼知太尉死非其罪乃上疏理之曰公心懷至忠而荷反逆之名平定巴蜀而受夷滅之誅臣竊悼之賴朝廷清明遂從其請得從

吳人傷子胥故事收

葬立祠以旌節義距蒲城東北五十餘里洛水西涘廟貌斯在有碑銳上而竅文多漫滅首云魏故太尉鄧公祠碑□其陽云大秦建元三年鄭能邈謂太尉祠張馮翊所造歲久頽折因舊增飾則知祠宇所建其來久矣環祠數十家皆鄧氏豈其子孫遷徙於西城者耶抑立祠□後使其家護守洒掃者耶或因其墟聚故地苗裔尙多而爲之耶世代綿遠弗可詳考唯魏碑屹立斯爲

可據信不誣

矣

僕往來祠下屢矣近歲宦學長安久不

來此故人韓冲走書抵僕曰

鄧氏

諸公欲再立祠碑貞

石已具而其文尙闕子如惠顧前好能杖策一來乎僕

承命欣然因而言曰昔太尉以忠死而議郎段灼理之

遂得收葬立祠□千載之下碑石欲朽而復命僕使新

其文則是段氏終始有功於太尉矣豈可緘默而不言

乎乃作迎神送神之詞使其子弟歲時歌舞之使行路

之人見之知鄧侯之勲業厯千百世而不忘其子孫雖

永永而不替也其詞曰

侯之來兮風颺颺

載靈輿方□羽旗

彷彿如

亨兮堂宇上

不聞聲兮簫鼓悲

侯之去兮去

何劇

風爲施兮雨爲□

秋之深兮春之暮

不可見兮水東注

大金承安四年十月重建

鄉貢進士段繼昌

記 昌黎韓冲書丹

權

周刊石

裔孫進義校尉鄧永

鄧洵

鄧祐

鄧珪

鄧弁

鄧□

鄧景

鄧易

鄧□

鄧□

進義校尉

鄧□

鄧直

鄧廣

鄧昌

鄧安

鄧□

鄧□

鄧俊

□威

□簡

鄧昶

右重立鄧太尉祠碑在蒲城未見箸錄甲戌夏自
長沙購得之記敘鄧艾厯官本於三國志魏書司
下王上是馬宣參上是出城上是方將軍上是安
西戶上是五百碑所缺字皆可據傳補之詔辭亦
載艾傳段灼晉書有傳字休然敦煌人世爲西土
著姓嘗爲鄧艾鎮西司馬破蜀封關內侯累遷議
郎武帝卽位上疏追理艾冤疏文具載傳中魏書
亦載之其稱鄭能邈所立爲魏碑殊誤抑用爲巍
字耶

重刊鄭司農碑陰記

高四尺四寸五分廣三尺上截記廿一行行廿五字
後銜名三行字不等中截十行下截六列行數字數
皆不一俱正
書在高密

密州高密縣古城西北一十五里礪阜山之原後漢大
司農鄭公之墓存焉前立其廟廟貌尊嚴儼然如生廟
右人所居止不啻千餘家因名之曰鄭公店也我公血
食一方自古迄今人所欽重□之如在昔晉戴安道作
碑以紀其實自時厥後歷宋至唐年歲久遠碑已不存
至萬歲通天元年邢州刺史史承節復爲文密州刺史
鄭杳乃以開元十三年刻其文於石覆以樓屋復至
本朝甫近千載然其樓屋近廟之人隨時修葺或新或

弊至於不一乃以承安三年六月天作霖雨以致樓屋
倒塌其碑因之而亦仆焉碎爲數段文多湮沒若使夫
其碑之仆而復起其文之晦而復明亦必有時焉迨四
年冬柴家墮柴淵與弟柴□及□義居以農爲業亦好
古君子也見而傷之因訪附店郭□而告之曰鄭公廟
碑今已破碎其文然多湮沒余欲將碎碑□□□其大
小撿拾前文訪諸□□用加校正復刻諸石其可矣乎
郭□□而喜曰真與我同志者也乃命其長子世英
次子世昌世忠畢力□督□之於是訪諸博物君子校
正前文將刻□石未間乃以五年二月世英子壽哥以

神童登第若是童者然天資神異□誦千言□□高弟
固所當耳蓋亦出於神之默祐之力也郭氏之子以
□之報應若此之速柴氏之子亦將其有後乎由是急
命工匠□當年三月一日鐫前文於翠瑤立於舊基之
上而復新之以樓屋庶幾傳之於不朽噫若前所謂其
碑之仆而復起其文之晦而復明亦必有時者信不誣
矣余列其終始廢興之序而記之於碑陰云

徵事郎前行密州高密縣主簿兼管勾常平倉事綦
英裔□

登仕郎密州州學教授解天祐同提舉立石

文林郎安化軍節度判官兼提舉學校常平倉事武騎

尉賜緋魚袋許彥文提舉立石

以上
上截

首行
磨泐

明威將軍行密州高密縣主簿兼管常平倉事完顏
保義校尉守高密縣拒城河□都監孫

□□校尉鄭公店□□務都監蒲察

武□□軍行密州高密縣尉□尉兼管勾常平倉事帖

合

宣武將□行密州□□縣尉兼管勾常平倉事完顏

安遠大將軍行密州安邱縣令兼管勾常□倉事完顏

武義將軍行密州高密縣令飛騎尉兼管勾常平倉事
李

宣武將軍行□州□山縣令騎都尉□□縣開國男食
邑三百戶烏古論

武節將□□□皇城猛安移屯河世襲謀克騎都尉
□□縣開國□食邑三百戶烏古論以上中載

本店施力題名 張□ □貴 宏農忠 高□沈

王成 武榮 王昌 路奇 □□ 徐通 隋臯

孫成 時青 張榮 宋遇 馬善 王綏 張琳

楊忠政 王□ □□ □俊 劉□ 趙椿 □忠

□□李□□□□□□□以上弟

一列

□□張榮 韓鐸 周貴 譚□ 移刺明 樂仲

□讓 吳仁 李德 張□ 劉□ 李鼎 □受

張珪 □寶 □□ 石抹□察奴 □城 □□

張□ 李俊 □□ □□ 張成 □□ □□

□□ □□ □□ □□ 以上弟

二列

下廟村 呂珪 董□ □□ 董榮 王□尹 □

□進義副尉□仙 南張客村 郭仙 張□ □

水 于泉 馬成 北張客村 □□ 岳□ 尹顯

岳□ 張贊 高靚 曹□ 進義□尉□□ 西

諸村董□□□高顯王田之進義副尉□

□□□副尉王□□□副尉劉信進義□□□

□以上弟
三列

柴家墮柴□柴□柴臯柴清柴友柴□

柴□哥柴青□王遠□□北諸房范穩

范□進□副尉范□進義副尉范泉進義副

尉范□張秋村解全進義副尉孟京李家莊

崔祐徐□□全崔旅□□□田□

場□□□□言□□□尉呂□進義副

尉堂□進□□尉史□以上弟
四列

井□村 孟通 趙寶 璩□□ 侯仙□ 侯進□

王成 □□□□ 韓友 □季□ 進義副尉

□□ 進義副尉□□ 進義副尉郭□ 進義副尉

萬□山 進義副尉王齊 吳家莊 楊□ 張炤

孫懷□ □□ 進義副尉姜□ 進義副尉孫福

進義副尉郭□ □貴 侯立 陳珪 陳福 陳玉

陳憲 □迪 孫家莊 □□□□ 房□

□清 □家村 □□□□ □□ 進□□尉

□□ 以上弟
五列

□□□□□□□□□□□□□□□□

□□家莊□□□□□□荆家□

□□□□□□呂通孫□□姜家

莊林□□□□進義副尉趙□進義副

尉□□進義副尉□□戴家莊徐□徐文

□浩□□李□進義副尉王□王家莊姜

□□俊姜□莊□□□都家泊隋通

城陰□王□進義副尉□□中王仁□孫□

□柳家□□□以上弟六列

右重刊鄭司農碑陰在高密縣萃編僅錄碑陽碑
分三截上截記中截列高密官吏十人皆書氏不

書名下截刻施力人姓名凡六列有下廟村南張
客村北張客村西諸村柴家疇北諸房張秋村李
家莊田□場井□似是村吳家莊孫家莊□家村
□家莊荆家□姜家莊戴家莊王家莊姜□莊都
家泊城陰□中王仁□柳家□諸名其稱本店者
鄭公店也末列首行漫滅無存凡諸村名皆高出
一格其稱進義副尉者廿餘人進義副尉武官階
之最卑者攷山東通志鄭康成墓在高密縣西北
五十里礪阜山初葬於劇東因墓壞歸葬礪阜今
益都縣東五十里鄭墓店卽劇東故城今碑云西

北一十五里蓋就古城言之志不言古城所在殆無可攷邪礪阜山以石可爲礪而得稱一名劉宗山又名碑產山據記文墓舊有戴安道撰碑通志失載其載史承節撰碑不言金代重刻并誤邢州刺史爲荊州皆疏舛也記後綦英裔下缺一字非撰卽書卽碑陽篆額之人萃編缺英字可據補之安遠大將軍明威宣武武節武義諸將軍保義校尉皆武官階拒城河在高密西三十五里卽秀水河俗名秀女河猛女謀克皆軍名郡曰猛安縣曰謀克金制也下載有都家泊者當卽都泊在高密

東北廿五里古奚養澤也水經謂之奚安潭秦地
圖謂之劇清池完顏蒲察怙合烏古論移刺石抹
皆金之氏族

梁襄修中岳廟圖碑

高三尺六寸廣二尺一寸前後題款二行行字不一
字徑七分橫額題大金承安重修中嶽廟圖十字俱
行書在登封

圖 正陽門 東偏門 西偏門 中三門 東□門

西□門 火池 鐘樓 府□殿 土□殿 南岳

殿 西岳殿 山靈公 二郎殿 井亭 東華門

西華門 上三門 東□門 西□門 □□房 □

□位 亭子 亭子 □食門 道□ 九子夫人之

殿 玉□聖后之殿 玉仙殿 金□夫人之殿 王

母殿 角樓 角樓

餘漫減

尚書省委差監修太中大夫同知河南尹事梁襄

修廟接手官忠勇校尉河南府錄事宋元立石

承安

五年三月中旬休日

本師釋迦如來三身銘

高二尺廣二尺二寸廿四行行廿字字徑八分
正書在元氏開化寺羅漢殿中東首佛座下

本師釋迦如來三身之銘

沙門雲湛讚

□□王瓘書丹

蓋聞三千界主德備乾坤百億能仁行超塵刹是以天
開方便廣設濟門現紫磨丈六之軀王金色大千之界
尊貴兮誕跡王宮寂靜兮權居峯頂因圓兮與果無邊
果滿兮酬因未足於是空有雙剋性相俱圓證一味真
如離二種生死号三覺圓明具四般知見救九有羣生
出苦誘十方天人入樂現萬類神通縱任坐千葉蓮花
自在三千威儀破我慢之七九八万細行摧邪見之六
二奇哉空中有有了方法而且立多端有內復空悟千
種而並同歸一似万水出自於根源若千江奔流於六

海可謂无生无滅无相无形難測於波瀾莫知於涯際者其唯性海歟是以沙門雲湛寔爲愚輩碌碌無

知何幸宿緣預斯緇室於百万法門中而得毫毛之少許似盲龜值浮木喻病蛤吐明珠豈匪忻然而已矣加以全憑聖祐方成五十三軀稍募賢財可就冥慈二部今因完備故伸少讚上祝

皇帝萬歲臣宰千秋僧俗父母良緣同證无爲理性更與常爲釋子蒙法雨而資善芽遠紹

佛猷獲戒寶而除貧窘

大金承安五年七月十五日門人僧惠朗 惠

澤 惠淨 惠清

□□□□ 立石

眞定府元氏縣開化寺十王院轉教功德主賜
紫沙門雲湛謹讚

書人

王謹卽大定廿六年書游封龍山記者

常山貞石志

常山貞石志載此碑据補樂字今泐矣縱任之縱
志誤作絕游封龍山記立石於明昌三年而云大
定廿六年何也王瑾自署里人此所缺者當同之
請琮公住持淨因寺疏

高一尺六寸五分廣二尺一寸疏十行行十八字字
徑七分前後十一行行字不一行書在魯山城北

汝州

敦請

琮公長老禪師住持魯山縣淨因禪寺爲

國開堂祝延

聖壽者

伏以無始以來只笑他人異處有古而下不知大事因緣紛紜末世邪宗汨沒衆生正見十萬幻化莫辨實華三界虛空誰分影響伏惟

琮公長老 禪師具正法眼起大悲心再揚曹洞之

宗風復繼淨因之祖業況昔年青社備嘗爲衆求仁今日魯陽何必藏頭露影旣副傳衣之囑居當報

國之恩好將本分鉗鎚拈出希奇手段無□謙德仁聽
潮音謹疏

泰和二年九月 日

徵事郎汝州司候權軍判田庭芳

忠勇校尉汝州軍事判官權州事孟得□

鎮國上將軍同知汝州軍州事總押軍馬蒲察捕□

刺 史闕

魯陽馬信刊

重建卜式廟記

高六尺八寸廣二尺九寸廿一行行
五十二字字徑寸許行書在鉅野縣

卜公廟記

將仕郎充會州軍事判官兼提舉常平倉事張潛撰

鄉貢進士孫世京書丹篆額

若夫崇讓道振時俗正天下之風者斯謂仁人奮忠節勤王事行衆人所難者是惟君子誰其有之則卜公其人也公諱式字子怜河南人也漢興承秦之弊風俗薄惡民人頑嚚在下者諄箴德鋤成不遜之風在位者遠害全身乏忠義之節惟公初以牧畜爲事有弟旣壯迺脫身□田宅財物盡與弟獨取畜羊百餘入山牧十餘載羊至數千頭乃買田宅而弟盡破其產公復分與者

數矣時國家方事邊公上書願輸家財之半以助用度
上使使問公欲爲官乎公曰自小牧羊不習仕宦不願
也使使者曰家豈有冤事欲言乎公曰臣生與人無所爭
邑人貧者貸之不善者教之所居人皆□從何冤之有
竊念今邊事方動愚以爲賢者宜死節有財者宜輸之
如此則虜可滅而邊乃安也使者以聞爲丞相宏所抑
上不報數歲乃罷復歸田牧歲餘渾邪等降縣官費衆
倉府空竭貧民大徙皆仰給縣官無以盡贍公復持錢
二十萬與河南□守以給徙民河南上富人助貧民者
上識公姓名曰是前欲輸其家半財助邊者乃賜外繇

四百人公又盡復与官是時豪富皆爭匿財惟公尤欲助費上於是以公終長者乃召拜爲中郎賜爵左庶長田十頃

布告天下尊顯以風百姓初公不願爲郎上曰

朕有羊在上林中欲令子牧之公旣爲郎布衣草蹻而牧羊歲餘羊肥息上見而善之公曰非獨羊也治民亦猶是矣以時起居惡者輒去毋令敗羣上奇其言欲試以治民拜緱氏令其民便之遷成臯令將漕最上以爲朴忠拜齊王大傅轉爲相會呂嘉反公上書曰臣聞主媿臣死羣臣宜盡死節其驚下者出財以佐軍如是則疆國不犯之道也臣願与子男及臨菑習弩博昌習船

者請行死之以盡臣節上賢之下詔褒美賜爵開內侯

黃金四十斤田十

頃

布告天下使明知之元鼎中代石

慶爲御史大夫旣在職言郡國不便鹽鐵而

船

卒之筭

可罷上不聽因年老告歸

田

里二子□□□爲蒲□太

守□爲水衡都尉公爲齊相時子孫多在齊旣致政將

游于齊而終□此鄉人思慕因助其葬仍爲之立祠而

歲時祀焉曩經兵革其祠寢壞碑銘無存大定之初四

十五代孫并吉任單州司候判官將復營其祠未成其

志而遽然告殂哀哉其後并吉二姪一曰海二曰義迺

率衆族同爲經營載新其廟貌俾精魄有所依歸迨乎

落成將立石以紀之屬余爲記愚以謂公在家則讓其田宅以与其弟居則奮其節義以報于君忠孝兩全可不謂仁人君子者乎是宜子孫興隆迄今千餘人有歷世家譜別刻于碑陰聊敘其行事之大略云爾

□□將軍金山掃巡河完顏 泰和五年歲次己

丑季春十九日立石人海 義 永立 重立

春 壬 等

□武 匠人杜成 董淵 邵端 孫瑋

郭興

□下石
缺

右重建卜式廟記在鉅野縣額失拓碑有陰刻卜

氏子孫名未得拓本碑敘式事蹟用漢書本傳文傳云貶秩爲太子太傅碑云年老告歸田里殆諱言之傳云黃金四百斤碑云四十斤恐是今本漢書之譌式字子怡史所未詳惟怡乃後來俗字漢時所無當是矜字之誤式二子名俱從虎而右旁絕不可辨矣案山東通志卜式墓在鉅野縣卜怡堦式字子怡本河南人道卒葬此因以名堦有碑僅云有碑不言何代所立碑碣內并失載疏矣記文後銜名一行書氏不書名將軍上石缺無存左旁有□武二字武上似是信字蓋後人所補刻者

金山河自鉅野縣章縫集滙水東流逕谷家莊間
家橋又東南逕邢家窪金山窪遶金鄉山至唐家
窪入嘉祥縣界爲蔡河又東流逕滿家峒北逕明
水窪又東至翟家橋入金鄉縣界又東逕齊家橋
至談家橋入濟甯州界爲顧兒河又南逕亢父城
會苜蓿河至王家口與牛頭河會金泰和五年宋
之開禧元年也

華嚴堂記

高三尺六寸廣二尺十六行行三十七八字
字徑七分年月題款小字三行正書在汝州

夫乃冥塗路遠生死海深若不作舟之因難到菩提之

彼岸嗟呼人世似石人以難停出沒俄然如風中之短
焰泊有如斯迅速豈不愴然三塗路上累累時逢聖處
天宮無猶得到蓋爲我等起貪嗔癡慢之心造殺盜染
妄之業所以沉淪三界沒溺四生如蟻巡環如車碾道
無有休期者也馮竟全楊竟資任竟清等朝夕思念欣
然共議糾集衆善人向去覲善有歸各脩己財遂贖華
嚴經一部計八十卷合論一部計一百二十卷以爲經
邑近五十余年矣請本州僧正宝雲教授僧智隆主其
經邑每至十月起至三月罷不妨農務本邑常住众彩
畫七處九會功德一堂或人云何故偏宏其若嚴智隆

云蒼巖性海法界義文包括十方含容万有處、毗盧藏裏頭、寶月全彰去來常在妙竟場動靜不離真實際直得象王迴顧五衆咸臻樓閣門開全身普現人人頓明此理玄變交叅義海重宣法輪常轉壹百壹十由旬之內頓悟此心五十三人同證眞常更無別法處、圓明海頭頭華藏中全兄宅安置經象全兄壹日告衆竟全則老□□像在於□蘆之丙全日夜思之惶怖恐有不虞灯火失墜 聖教過咎弥天乞別置壹所安經像衆皆諾□□尔□孤獨園頃達長者同祁阇太子買園興建佛塔轉妙法輪又世尊一日領衆遊行見壹所

地□□□□□利帝釋拈壹莖草劄在地土云建梵
刹已竟全兄等衆人同行踏躅湯聖席之西南有□
□地乃屬瞿家東連郊敖西枕陸海南觀汝水北靠嵩
少堪建立經堂安置聖教不勝□喜各人共捨己物買
地壹所□□□□建經堂功五尔芭瓦木植等各□非
動民財目成經堂三□陸椽門窓俱備慢說夜摩忉利
不若菩提之場豈羨普光之殿以至連綿不朽衆請爲
記號曰華嚴堂

昔泰和八年戊辰歲仲春一十有五曰乙卯朔立碑
了畢殿試先生唐□華撰

金不不山名二下二一
馮手讚書

宋順刊石

唐□華自署殿試先生俚俗之稱可資談劇文字
亦陋書朔於紀曰之後不可爲法

少林寺興崇塔銘

高一尺七寸廣二尺九寸四十四行行廿四字第廿
四行多一字後十四行行字不一字徑五分末行特
大正書
在登封

大金嵩山少林寺故崇公禪師塔銘

井序

本寺悅衆比丘僧□昭撰

侍者比丘僧□柔書

夫佛祖妙道在人宏持苟非其人則道不彰著語云人能宏道非道宏人崇公禪師宏道之士矣師諱興崇俗姓侯氏汾陽西河人也幼失其父篤養於母在童稚間屢因母疾自剔身肉令母服之數獲痊愈因是孝養名動里閭冠歲白母願求出家初不見聽志亦不移後感母心遂捨送本州太平法興院礼主僧忠上人爲師大定二十七年誦法華經中選受具之後粗歷講肆究其義理未愜所懷首詣嵩山少林寺參照禪師機緣相契有所悟入果熟香飄因緣時節自然至矣會山陰羅漢禪刹虛位光祿大夫駙馬都尉蒲察知河南府洎同

知許中順命師主之開法住持未久照公退席少林駙馬泊治中驟騎紇石列以師道風清苦而又得法於照公由是請師移踵其跡師之住持也棟宇頽弊完補於內檀越財施誘化於外或數月不歸或經歲忘返冒涉寒暑戮力忘倦十有餘年山門內外稍稍就序泰和四年五月日 南京統軍鎮國徒單榮祿大夫六駙馬都尉國子司業劉奉直同知孫中順治中武奉直具疏請師開堂復以条鍾未俗鳩信士命工匠卜吉日一舉而成朝擊暮撞警諸迷昧利益非細每遇天汗所祈甘澤無不應之皆師道力所致也豈料有爲四大不任其勞

遂縈微疾乃退閑庵居以便藥餌奈何其疾弗瘳泰利
八年九月二十七日作偈辭衆曰四十三年一夢中如
今撒手任西東密密不行凡聖路綿綿獨步太虛空偈
畢良久坐逝俗壽四十三僧臘二十七嗣法一人曰道
遠度門弟曰瑞清瑞仁瑞雲瑞璨瑞祥瑞泰瑞朗瑞珏
瑞海瑞安瑞廣瑞雲等依法茶毗收奉遺骨并得舍利
數百粒起塔於少林祖墳嗚呼師之養母至孝事師至
勤臨衆以法薄世味外形骸宏道度生志念深矣小師
瑞雲等以予與師同鄉閭故持師平昔事跡請記之予
荒唐粥飢一常僧文章伎藝素非所長義不得辭姑摭

其實以塞勤厚銘曰

道本無象 宏之在人 苟非作者 其道弗神

崇公禪師 幼而奇偉 剔身餌母 孝動閭里

始年弱冠 悟世虛空 誦經中選 躍出凡籠

游歷講肆 識量莫厄 一見照公 傳付正脈

開法住持 檀越鄭重 整弊扶危 魔外震恐

衆生迷昧 久處昏蒙 思有利益 復興巨鍾

緇素門資 日見烜赫 度僧十餘 誘俗千百

嵩前嵩後 兩坐道場 結茅退隱 匿耀收光

小師瑞雲 收奉遺骨 葬之西原 不變如玉

要識師真 處處不隔 天濬雲閑 風清月白

昔大安元年三月二十八日小師瑞雲等建

直歲僧智深 知客僧元江 典座僧瑞璨 維

那僧□□ 副寺僧瑞雲 首座僧善富 監寺

僧□□ 都監□僧□

都勸緣住持傳法嗣祖沙門我亨

洛汭郭淵刊

在首行下

案金史世戚傳贊金之徒單拏懶唐括蒲察裴滿紇石烈僕散皆貴族也天子娶后必于是公主下嫁必于是此銘稱駙馬都尉蒲察徒單六駙馬都尉是以

貴族尙公主而世戚不附其名劉奉直者劉昂也中
州集昂爲當塗者所忌連蹇十年卜居洛陽有終焉
之志有薦其才於道陵者泰和初自國子司業擢左
司郎中此疏稱國子司業合又崇公崇字凡四見崇
下示俱作未按孫卽康傳上問卽康參知政事賈鉉
曰睿宗廟諱改作崇字其下却有本字全體若將示
字依蘭亭帖寫作未字云云卽康奏乃擬睿宗廟諱
上字從未下字從世今碑崇下示正作未是也興字
缺、今碑稱大安爲衛紹王之建元衛紹王諱允濟
小字興勝其缺、亦當爲此而史不及悉載矣

授堂
續跋

右興崇塔銘在登封少林寺黃氏畢氏搜集中州金石均未之及碑書興崇興字少一點武氏謂避衛紹王小名按衛紹王名永濟改永興縣爲德興是固未嘗避興字也殆石偶磨泐耳銘詞內復興巨鍾之興末筆雖不甚顯尙有形跡可尋檀越檀字缺末筆按熙宗名亶改上從面下從且此書作曹則亦不拘拘於從面從且矣紇石列史傳列作烈同音字就緒作就序序緒可通齋作条俗旱作汗誤遠卽蹟見正字通茶古作茶此書茶毗字作茶非平昔平作乎當是刊刻之誤中順五品階奉

直六品階

邵公高真容疏

高八寸五分廣二尺一寸五分疏十四行行字不
一字徑八分許行書後款共八行正書在登封

^上缺
容疏

^上缺
道□□派作九流之^缺萬□會歸三教之尊^缺想以

模傳猶切信心^缺原比邱少林悅^缺感□者非一特審

象^缺□□爰咨異三者之^缺□斯遇輕千里以來^缺福

地之花笠重仁天^缺造上人之故里親模^缺□□丹

青不久則^缺□□琬琰重磨而^缺□□然建德以若

^缺仁□不讓

缺縣□簿沛邑郡公高烈夫疏

缺

□□士

缺

□文□河陽張鑑世顯燕山張廓致遠

缺

輔良臣

郭紹僕朝英王悅朝士嵩陰

缺

□□耀德新祝彥昌

德榮李守節繼明嵩陽

缺

□楊傑世英緱山趙淵亞

之嵩右樂韶子美

缺

□珏全玉武鑑永堅高謙益之

嵩右善人王順

大安己巳三月八日疏七月十日監寺□□明道

京知事立石

重刊三教象贊

高二尺八寸廣一尺九寸上方題字共十行
行字不一分書碑末小字一行正書在登封

三教聖象

唐肅宗皇帝贊

吾儒之師曰魯仲尼仲尼之師晦龍吾不知孰師竺乾
諸入竊爲稽首足覺吾師師師

此文依長安國子監太平興國二年石本重刊

太原孫儒林世顯周臣甥孫僧少林祖昭繪像書贊
儒林郎芝田縣主簿沛邑邵公高烈夫等助緣施財
大金大安改元秋七月中元日崧山少林祖師道
場住持傳法虛門老比丘教亨建

猴山□□摸□洛陽□□鐫

彌勒像贊

高二尺二寸廣一尺一寸上方題字六行行字不一
字徑五分像左紀年小字一行均正書在登封

彌勒大士應化像

皮袋綻開大笑露出髑髏諸寶不須說妙談玄干日齊

昇蓬島

大慶壽教亨稽首贊

大安改元中秋日濟州崇覺寺講院僧古井祖昭重
繪爲師長父母四恩三有崧山少林立石昇高女弟
子李守性施財

草堂寺題刻二段

雪岳老人等詩

高一尺一寸五分廣三尺共廿五行行字不一字徑六分行書

遊圭峯草堂

雪岳老人

竹外谿山揔是泉馬蹄無處避蒼煙圭峰面目真如在
何必林間去學禪

再過草堂陰霾殊不見山因題詩於壁

涇山史奕

一春風土暗蒼顏隨牒東西我自頑今日圭峰塵障

黑

山靈應恠未歸山

大安改元春六十日

因陪

子晉先生泊

諸友過草堂而宿于山堂偶成二絕 東原田曦

縈紆一逕繞山根野草閑花種、新要識我來林下意
不教虛負草堂春

飛花狼藉送春忙乘興來遊古道場擬把塵心頓祛釋
會須今夜宿山堂

大安元年十二月初七日草堂寺主僧了珎上石

孤雲野釋普定書 樊世忠刊

趙閑閑詩

高一尺二寸廣二尺八寸前十七行行字
不一字徑八分後十二行行十九字字徑

三分均
行書

遊草堂

幾家籬落掩柴關盡在浮嵐湧翠間
稻隴明邊通白水竹梢缺處補青山

下馬來看題壁字拂塵先讀草堂碑
平生最愛圭峰老惟有裴公無愧辭

逍遙園後娑羅木曾見春秋幾變更
落葉蕭蕭風雨夜却疑當日譯經聲

南山深鎖翠微空寺在南山十里東
祇恠朝來衣袖濕不知身在翠微中

南山常讀退之詩未說煙雲潤色之要看山光如潑黛
更須留待雨晴時

閑閑

趙禮部

先生辭翰爭輝曜騰天下孰不仰之以

爲極盡美矣然而此特窺一斑則未覩其全也先生
以道學發其本源涵泳既久妙入聖人之心法及乎
得志思與天下共之遂取前賢箋注有力於聖教者
以清俸刊行之俾雕章繪句之流知所歸宿庶乎士
風魯變薄俗復淳此 先生之望也正大乙酉季
冬奉使夏臺廻游草堂題詩七章咸陽懷古二章
主義金刻諸貞石擬傳不朽姑此惡語以紀其實使

觀詩者因一得三又知

先生深造於道兼善於

人也丙戌仲夏中伏鑑山方亭謹跋

正大三年立秋日住持沙門義金上石

閑閑居士趙秉文自號也秉文字周臣滄陽人登大定二十五年進士官至禮部尙書金史有傳劉祁歸潛志云秉文詩與書皆法子端後更學太白東坡

館金石記

据跋謂題詩七章今所見只五首也又有懷古二詩今亦未見殆更有一石而已佚矣

八瓊室金石補正卷一百二十七終

八瓊室金石補正卷一百二十八

男 繼輝校錄

太倉陸增祥撰

吳興劉承幹覆校

金六

僧師偉贊真身塔詩

高一尺六寸五分廣一尺二寸五分十三行行十七字前後五行不一字徑八分行書在扶風

謹賦律詩九韻奉贊法門寺

真身寶塔

德順僧 師偉 稽晉

寺名曾富布金田塔字來從梵來傳可笑異宗閑閑鶻

比乎吾道不同肩世人朽骨埋黃壤唯佛浮圖倚碧天
谷橐山炉煨勿壞鐵鎚霜斧擊尤堅三千界內真無等
十九名中宜有緣百代王孫爭供養六朝
天子遇修鮮儻能倒膝罪隨缺或小低頭果漸圓三級
風簷壓魯地九盤輪相壯秦川經書談我釋迦外今古
煩君說聖賢

大安二年中元日門人 法誥 上石

京兆晚進朱景祐書 長春樊春刊

鈞州重脩至聖廟碑

高七尺九寸廣四尺三寸三十二行行四
十字字徑七分正書篆額失拓在禹州

鈞州重修至聖文宣王廟碑

儒林郎前濬州司候賜□銀魚袋趙銖撰文

宣威將軍前亳州永成□令致仕馬瑞篆額

進士屈師古書丹

甚矣天道之于聖人其所以待之之至不可俄然測也
聖人生焉將大有爲而生無其位以非福也乃所以爲
福顧亡窮于萬代雖唐虞之隆不與易者自生民以來
未有如夫子者也天將何以處之天意若曰必曰待之
之至則位之于其生□而位之于其生則將有盡于一
時也有盡于一時則生與世泯生與世泯則□之素□

□□□□亡非所謂待之之□也於是乎陰贊孔子
使其天下當世莫能容之道載而之後世有以□□厚
利洋洋乎□□天下□其功也□□□于天下則
沒與世存沒與世□則世□□□視夫子之道□濫
海也酌焉而不竭猶日月也用之而益著至于子嚴父
教婦順夫指君仁臣忠兄友弟□朋友有信疏戚有分
□于是□□□□天下人口之□□□□□□
從□適中出則□天下万代之人出入飲食動靜之間
吾夫子常若參乎其前矣雖日逾遠而可謏乎所謂位
之前無者□然□□有嗚呼夫子之生無其位果非福

耶吾夫子之栖栖□□削跡代□□絕賴愈窮而愈樂者
良知夫天意之必不負聖人而天意必有所□□□所
以待我者將非異時而止也夫子旣沒其道□□尊自
周涉秦抵兩漢跌三國□□超晉宋齊□□數代迄于唐
唐遂王夫子仍自京師徧于荒之僻陋最爾之小拜盡
爲之廟以□□事歲時亨之而至于今□□千有餘歲噫
吾聞□□□□稱夫子曰夫子賢于唐舜遠矣吾□□
□□夫天之所以待吾夫子者亦有以過于唐舜者遠
矣夫天意如是矣而天下後世其樂夫子之道生生焉
有以□□賴而不絕又如□□□□世其□□奉夫子之

兒宜□何□□廟兒□廟之不莊是兒之敢瀆也夫子
之兒而可瀆乎而釣之學舊居城隅之西北夫子廟庭
□焉□□□□□間色□□□□□盡而荆棘□長
其後邑□□□□□聖像與顏孟香火有時而已□□
中始別立今廟而隘淺禮行無地我 太子大中完顏
公早沐聖□濯羽天□由戶部員外郎來牧□□□四
月□□□日□□□爲□□□□□廟而官吏□駢肘
踵填溢□□楣下有肄習者集楮竹以居公喟然歎曰
國家作新人材化成天下□有□地而廟兒幾毀□者
無□國家□□□□□□□□□□□□□□□□

□□□□相□以逮□□公將擇人共之主簿王徵
事司候孫武略舞□請役其事于是凡厥士庶揭負致
資□□□後至于□□□□之□□夢□□之□莫不
車□輿獻□委□赴□與我□者欣然送款或買或售
不必相當公亦爲稱聽其所請闢地爲倍□□礎□
□□櫨櫨□面殿却址增□五架□□□基逾□□□
□□□之如拱如翼又西爲偏門□□□□殿之陰
圍起講堂齋室庖舍間率四十餘以待學者更爲大扉
以通西衢便其出入殆經營旣基

國家薄伐□服公被召以赴將行公以廟事自應門以

降以規摹屬上佐上佐君爲諾其成□行□有□□□
□者曰自我公之輯陞邦伍軍□者不以□□□□權
豪□□□□公吏畏其□而民樂其業政不踰月而
翕用□成至於聲色騁馳未始游意□以□夷澹泊坐
□□俗□□□□有□于□不□先聖之神祇有所安
而攀□之徒□勇增□□□□本朝 丕天之構柱
石于其間者實自公出旣而故宋庠之裔踵門以告曰
我前人開府元□君之□有大□礪之已具□□□以
表焉廢于不暇今□□□□□□□□□□□□且
設以獻請爰□諸廟以昭夫子之德而列我公之功亦

先大夫之榮也公悅曰物固有□作于彼而用于此者
□獲嘉石徵□□□以著其事銘曰

禹都□墟陽翟惟舊具茨生輝釣臺孕秀

棟宇之壯鋒燼攸蕩王宮匪穹王不顧□

惟公堂堂敷文擅場綠髮金章來爲是邦

篤言于登□□王所載顧載瞻歸靡寧處

迺闢□區迺新斯宮輪焉不侈仰之愈崇

築□其陰育我子衿堂□□□可披可吟

□以□告王格以樂□□□觴載笑載□

昂昂時英迺勵迺精民亦似之□罔不生

公歌□民

洋洋□聞

公錫于神

□□□日□

綿綿我圉

明明我主

有臣如公

孰敢予イ

刊之茲石

傳之罔極

詔我後來

俾勿斯壞

大安三年十二月十一日立石

徵事郎陽翟縣

主簿王庸

武略將軍司候孫遇

文林郎鈞州

軍事判官提舉常平倉事賜緋銀魚袋嚴處仁

明成將軍同知鈞州軍州事提舉常平倉事上騎

都尉金□縣開國子食邑五□□完顏德瑜

太

中大夫行鈞州刺史兼知軍事提舉常平倉事輕

車都□金源郡開國伯食邑七百戶賜紫金魚袋

總□軍馬完顏守信

從仕下

缺

薄予□儒

林郎司候

缺

缺

溫敦

庭來

缺

監此字

汝陽缺

右鈞州重脩至聖廟碑趙銖撰屈師古書馬瑞篆
額在禹州禹州金置潁順州後改鈞州州舊有廟
創建之年石泐無攷完顏守信牧鈞州以舊廟狹
隘擴地而重葺之乃立碑以紀其事守信諸人史
皆無傳文有云國家薄伐□服公被召以赴蓋指
元人構兵而言

韓王請琮公疏

金石錄卷一百二十一
高
一尺五寸五分廣二尺一寸疏十二行行十七
字字徑五分前後六行不
一行書在魯山荷福寺

皇弟韓王府

今請

淨因堂頭禪師琮公爲

國拈香開堂演法上祝

聖歷無疆者

伏以古錦含春不犯機梭之事劫壺空外寧述造化之
功欲明此段因緣須假英特之士琮公長老操志孤
標已具凌雲之氣遶方叅扣蓋存立雪之心旣然得處
分明行履不妨穩密烏鷄半夜啼開月窟之門白馬奔

嘶相映蘆花之色閑弄金針玉線綴成無縫之衣更看
木女石人唱起朝□之曲好箇天然格調堪酬

佛祖之恩宜招一辦之香仰祝

聖人之壽請示現前三昧正當演法開堂無煩再四遲
疑願作

神通遊戲 謹疏

大安三年 月 日

皇弟開府儀同三司 太子太師韓王

石刻前題皇弟韓王府後題皇弟開府儀同三司太
子太師韓王案金史世宗諸子傳元妃李氏生鄭王

允蹈衛紹王允濟潞王允德允德傳云大定二十五年與章宗及諸兄俱加開府儀同三司衛紹王時累遷太子太師此疏結銜皇弟開府儀同三司太子太師正值大安三年與傳稱衛紹王時累遷官合是所題卽允德也傳稱允德封薛王進封瀋王幽王潞王不言進封韓王案衛紹王紀大安元年旣進封兄永功爲譙王則允德以懿親之重亦當並封是韓爲所進府號當時缺錄也史贊云衛紹王身弑國滅記注亡失南遷後不復紀載故宜有此宜取以補史遺衛紹王明昌二年進封韓王今允德亦得此號紹王與

之同母遂以自所封號示寵異與授堂續跋

書遊游作遊游謬之甚者

雞澤縣文宣王廟碑陰

高八尺四寸廣三尺五分廿二行列
次不齊字徑五分餘行書在雞澤

荆建 廟學維那頭姓名如後

郭慶 焦祺 王眞 王瑋兼掌收支

進士魏大鈞 進士張瓊 進士姚德璋

興建 廟學舍字人姓名如後

衆維那頭同建正殿在魏大成武義將軍魏大亨

同建前三門張璧臨焦禮支鄭玘同建東賢堂

進義校尉焦瑀 焦珂同建西賢 進

士張瓊獨底正殿

西劉洵獨建 劉資瀚獨建東 劉浩議

焦榮同建西 鄭亨百支 柴忠下

施財助緣人姓名如後

坊在宋林 王璧 霍信 甄宥 甄銳 王

瑀 李植 張椿 高俊 張遇 焦銓

王均 苗榮 李植施槐 李桐 張儀

劉春 焦鐸 焦政三 郝成黃 李贊

馮馮平 馮耿明 秦軍機端 田近

坊外王玫

臨西郭齊

西馮劉瑰

南郭司會

家賈王炫

退吏陳忠

坊外宋顯

村段張顯

坊在

楊停

坊在柏辛

孫繼昌

坊在姜均

在坊西

岳進

王才

牛典

王順

武福

孫泉

林馮春

粧鑾塑像人姓名如後

李源

汶曹讓

南頭張信

秦興

焦祐

趙平古

北長路固焦

仲田植

外郭霍友

莊向達

東開李祥

坊外李德安

酒匠鄭榮

坊外姚遇

趙仔

許

文用

要溫

薛仔

大潘佺 焦祐 西趙斌

進義校尉西馮務商酒同監大景才 進義校尉
在城前界商酒同監趙惠迪 承奉班祗候在城
務商酒同監兀林荅蒲轄奴

忠翊校尉西馮務商酒都監大澤 修武校尉在
城前界商酒都監劉伯源 修武校尉在城務商
酒都監耿仇

縣令高公興學之後弟男相繼登進士第今附於
此

弟冲

承安五年登
詞賦進士第

男可久

大安元年登
詞賦進士第

馮焦坦

承安五年登詞賦進士第

此附在前行下方

柳宣武將軍紇石烈黑狗

鄉貢進士程鵬飛

李彪

李安上

張居簡

趙雄飛

焦世傑

陳復用

□處謙

劉玘

倪□

□時亨

宋天□

程懋

孔安仁

張

去華

劉璉

王晞顏

郭天麟

宋謙

郭邦

傑

里人文林郎新

擬充□

州軍事判官兼

提舉常平倉事武騎尉賜緋魚袋焦復亨

同建立石

載碑人沙陽保郭□□□和

監造碑□□以上二行在碑
右首行下方

修廟勾當人張寶 班俊

雞澤縣文宣王廟碑立於崇慶二年五月初十日
董師中撰書党懷英篆額此其碑陰也碑陽未得
拓本先錄之以俟補輯

玉虛觀記

高一丈七尺廣三尺九寸廿五行行七十
四字字徑一寸三四分正書在甬海州

聖水巖玉虛觀記

特進山東淮南行省李忠道助緣

此在標
題下方

東牟之崑崙昔麻姑洞天也諸山綿亘相屬秀異峭拔
爲東方冠山之足蹈於海者三相距皆不滿百里蓬萊
瀛洲□□朝夕相望於晡靄間蓋天地英靈自然之氣
獨鍾於此故世多神仙異人焉東南秀色可滄林壑尤
美者聖水巖也水不見發源但嵌嵌之下裂石而出激
激如綫味甘冷且清春秋不變水旱不知龍鼉之屬未
嘗產焉此亦異也初

神師玉陽公大定丁未

世宗遣使乘傳迎致輦下召於內殿延問修真之道就
御果園建道院給三品俸勅充生辰醮高功主賜冠簡

紫衣悉表而辭之未幾懇求還山詔不違其志仍賜錢二十萬爲道路費師之鄉里道俗聞其來也千百相率前十餘舍遮道權迎不令他適遂結茅於茲巖已酉冬世宗不豫復遣使迎師師曰來之晚矣顧不及得見聖顏使者愕然至涿郡哀詔果下自爾東歸更不復出迨承安丁巳

章宗遣近侍徵以安車宣見於內閣賜坐問養身之道師以無爲清淨少私寡欲爲對復問教法規模治國之道師以雅對妙沃帝心嘉嘆誠實者久之曰眞修行人也留連抵暮方出翌日特旨賜紫衣號體玄大師蓋

不問師承非常之渥也道俗榮之拜命間俄一內侍傳
旨謂使者曰先生處山林無積貯從來禮儀物我爲代
出改城東崇福院爲永壽觀令師處之閱月特旨住持
修真觀仍賜綾羅絹各二十疋綿千兩月給齋厨錢二
百鎰戊午秋辭以親老之歸山

帝許之仍給裝錢不貲比師之東還門人于道潤相與
謀於衆曰師今雖處京師固非本心恐不肯留復欲追
寂於空山我輩居此莫若以菴易觀庸遲其來遂入貲
於朝
□ 賜玉虛觀焉及是師到薄讓之曰至道之
人旁日月而挾宇宙官天地而府萬物尙何以居處累

耶況乎易菴爲觀不幾於昔以我爲牛而今以我爲馬也且我之素風乞子耳兩朝恩賜名觀退託尙不欲受直以山林雲霞而爲樂地若之何爲其無謂也衆以邦有常禁不可聚衆爲辭而退其業已然固無可奈繼而善衆門人遠近至集有山者獻木有田者獻穀富者施財巧者出技人皆自勸又非智辯牢籠曲誘之也巖之下盤折隈隩舊無隙地剪荆芟草夷峻堙谷僅得數畝其運石甃輦木之工十倍其他閱數載屋崇成焉凡所以尊奉經像頤養高真安方來館賓客無不審處其當或架木度飛泉以充日用或闢地藝嘉蔬以修淨供

前導之以青龍之門旁瀉之以白虎之澗按雲之臺招
福之嶺列諸東南金鳳之山正陽之峯峙於西北回繚
者天元之崗開闔者東陽之洞松檜竹柏雨露一新山
川巖壑晦明愈麗然耳風爲聲而聲之無聲目空成色
而色之無色使遊禮之人瞻像以生敬學道之士因寂
以悟玄巖側舊有大石飛出數丈俯瞰其下登覽者頗
以艱脆爲懼一日師謂衆曰盍爲去之鎚鑿競舉數日
才及毫末師笑曰若等何能辦此遂登其巔運鎚三擊
轟然有聲如雷霆響震巖谷其石已墮紫氣盤鬱移晷
方散構殿之日執役者毋慮數百人食畢坐廡下師以

巨瓢酌酒徧觴其衆四周衆皆醉而酒仍半師慮惑衆
遽覆於地師之神異如此其逆知未來召致風雨愈疾
起死皆精誠自然而致不能殫悉自別有傳按仙經云
玉虛者乃三氣中一氣也玉者不染不雜璞散自然虛
者精光明明而無形質譬若日月及大精明然而無有
形質故爲虛今師之處道也惟寂惟默無形無象契自
然之妙歛之於已則虛室生白施之於人則虛舟不怒
浩浩蕩蕩不可得而擬議直與此名相並雖變化無常
固不能終始也適因師之門人解道樞朱景逸相拉來
此得覽勝概望履舄於幕下因請記之辭以不敏而莫

能姑撫其實紀以蕪言如有作者請礱此石以待師
姓王諱處一道號玉陽子少遇

東華帝君授以道要

重陽真人卽其師也 丹陽長真長生長春太古皆同
業伯仲也門人居天下者三之二且山谷跋歐陽文忠
公廬山高詩暨廬山之美盡備于中當時士大夫讀之
慨然欲脫塵駕少揖清曠而無由今而來此豈非有□
□□者也貞祐二年五月望日朝散大夫前中都左警
巡使賜紫金魚袋國僞記

文山進士王良臣書丹

州學進士范景純

篆額

清虛大師副知觀門事賜紫韓道溫

冲和大

師知觀門事賜紫劉道淵

葆真大師寧海州

管內威儀賜紫門弟子王道元

立石

萊州

刊

右玉虛觀記在甯海州攷東牟漢東萊郡地高后

封齊悼惠王子興居爲東牟侯東牟之稱始此崑

崙山卽姑餘山相傳有麻姑仙蹟唐太宗征高麗

嘗顯靈異運饒助軍山在甯海州東南四十里齊

乘云嶠夷海岸名山秀拔爲羣山之冠仙經云麻

姑於此修道餘址猶存因名姑餘後乃訛爲崑崙
也王重陽修真亦卽在其地聖水巖在州東南一
百廿里王玉陽修真於崑崙山之煙霞洞嘗臨危
崖翹足駐立人目爲跌脚仙姑餘山有唐仙姑者
修鍊道成玉陽師事之姑曰我非汝師也已而重
陽子至姑卽羽化承安中召對問何以能前知對
曰鏡明自能鑑物在已之靈明耳此碑所未及載
者也重陽盤屋人天眷中東游海上往來東牟嘗
棲息於修真觀王玉陽等七眞皆師之是爲道家
北宗之祖丹陽者馬鈺也初名從義弱冠能師舉

進士大定間重陽授以仙術修鍊於芝陽山後蛻
化於萊陽游仙宮長真者譚處端也初名玉少威
風痺疾往師王重陽以盥手水沃之宿疾頓瘳嘗
書龜蛇二字於酒肆是夕四鄰火燼無孑遺而酒
肆獨完人咸神之長生者劉處元也字通妙嘗註
黃庭道德清淨諸經玄旨祕奧人莫能喻長春者
邱處機也兒時有相者謂當神仙宗伯年十九師
事重陽得其道要爲七真之寂太古者郝廣寧也
初名大通隱於卜筮後從重陽子學道著有太古
集太易圖示教真言此五人並與王玉陽爲北宗

七真其一人則馬丹陽之婦孫不二也坐化於洛陽風仙姑洞玉陽卒於興定末年貞祐二年爲宋嘉定七年

洪法寺額牒

高一尺五寸廣二尺一寸十二行行字多寡大小不一牒行書餘正書在魯山三鴉街

尙書禮部

汝州魯山縣琴臺鄉三鴉店應惠院受業僧崇光納鈔買院作寺額 依奉恩例選作興國洪法寺

牒奉

勅可賜興國洪法寺牒至准

勅故牒

貞□□年九月 日令史衡□□主□□□□字

員外郎

郎中

嘉議大夫翰林院學士知制誥兼提點國□□□侍

郎趙 押

缺 兼翰林學士承旨知制誥修國史張

紀元殘泐据訪碑錄云貞祐二年

重刻付惠深劄

方一尺六寸六分共十一行行字
多寡大小均不一正書在鞏縣

劄子付僧寶月大師惠深封

西京十方淨土寺山主僧寶月大師惠深爲年高今
後每遇赴京師同天節齋會特許乘座兜轎往來付
惠深準此

元豐七年二月 日

寺主僧海量準奏奉

聖旨差官刻石四月八日張衍刻

大金興定辛巳七月初八日持□遇出斯石劄子二本
令執事僧明宮照勘□□□此行
在前

石刻相同世給執照重立施行付本寺收執照使長老

祖昭此行在後

惠深碑銘云神宗皇帝遣二中使與內典賓樊夫

人齋御前劄子許乘兜轎卽此劄也同天節神宗

生辰

淨土寺方丈遺軌

高一尺二寸二分廣一尺七寸八分十
二行行字多寡大小不一正書在鞏縣

十方淨土禪寺 方丈遺軌

永福子院 量材立職 表敬上刹 鍾鼓玉帛 秋

栗雙斛 夏麥式碩 安僧請寺 三旬題厯 應辦

之外 相時與葺 余言道斷 了無順逆 囑累當

人 願遵其式 餘者下院□□

興定五年七月□□日

住持傳法長老嗣祖沙門祖昭□

奉國上將軍鞏縣□導權縣事紇歹烈古失押

庫司祖林德裕立石 方丈侍者至堦刊

訪碑錄載淨土寺長老偈興定五年立疑卽此刻

祖昭釋迦牙像四字

高一尺廣三尺二寸橫列四字字徑六寸
餘篆書前後三行行字不一正書在鞏縣

釋迦牙像

長老太原祖昭奉爲 萬歲荆塔并篆額

二行在後

辛巳張天祐刻劉謹施石

紀年但題辛巳蓋興定五年也訪碑錄有初建釋迦牙像塔記興定五年郭仁撰文未得拓本

重修面壁庵記

高一尺四寸五分廣三尺二寸四十五行行廿二字
字徑五分餘又施銀姓氏三行字較小均正書在登封

重修面壁庵記

屏山居士李純甫撰

洒掃寶應禪寺性英書

屏山居士儒家子也始知讀書學賦以嗣家門學大義以業科舉又學詩以道意學議論以見志學古文以得虛名頗喜史學求經濟之術深愛經學窮理性之說偶於玄學似有所得遂於佛學亦有所入學至於佛則無可學者乃知佛卽聖人聖人非佛西方有中國之書中國無西方之書也吾佛大慈皆如實語諄精微之義於明白處索玄妙之理於委曲中學士大夫猶畏其高而疑其深誣爲恠誕詬爲邪淫惜哉龍宮海藏琅函貝葉無慮數千万言頂之而不觀目之而不解且數百年老師宿德又各執其所見裂於宗乘汨於義疏吾佛之意

掃地矣悲夫梁普通中有菩提達摩大士自西方來孤
唱教外別傳之旨豈吾佛教外復有所傳乎特不泥於
名相耳真傳教者非別傳也如有雅樂非本色則不成
宮商如有甲第非主人則不知庭戶自師之至其子孫
遍天下多魁閎磊落之士碩大光明表表可紀劇談高
論徑造佛心漸於義學沙門波及學士大夫潛符密契
不可勝數其著而成書者清涼得之以疏華嚴圭峯得
之以鈔圓覺無盡得之以解法華頴濱得之以釋老子
吉甫得之以注莊子李翱得之以述中庸荆公父子得
之以論周易伊川兄弟得之以訓詩書東萊得之以議

左氏無垢得之以說語孟使聖人之道不墮於寂滅不
死於虛无不縛於形器相爲表裏如符券然雖狂夫愚
婦可以立悟於便旋顧盼之頃如分餘燈以燭冥室顧
不使哉道冠儒履皆有大解脫門翰墨文章亦爲遊戲
三昧此師之力也新學晚生愧無以報今因少林主人
隆公命其侍者海淨問訊屏山日照了居士王知非暨
劉菩薩并其徒儲道人重修面壁庵旣已落成請記其
歲月時

大金興定四年中元之前一日也隨喜之餘又洗手焚
香而爲之贊曰

玄關未啓 玉鎖生苔 靈臺未洗 金鏡塵埋

鐵牛穿鼻 石女懷胎 孰爲具眼 鼻祖西來

舟行万里 禪心如灰 壁觀九年 梵音如雷

不戒而戒 不齋而齋 一衣一鉢 五葉花開

或杖或拜 或喚或舞 瞥然揚眉 顰呻舉口

或咄或咦 或吽或普 柏樹藥欄 燈籠露柱

彈指張弓 吹毛擊鼓 跌宕形容 逕庭言口

太漫汗中 剔渾侖處 有者箇在 又恁麼去

泔然可口 如甘露漿 薰然入骨 如薝蔔香

如發管鑰 如施印章 金僊海藏 同時放光

竊香糟粕

貸吾糝糠

粉澤□□

刻畫老莊

八萬四千

清涼道場

屏山說破

誰敢承

當

興定六年二月

日監寺僧清

□立

都勸緣少林禪寺住持傳法嗣祖沙門志

隆

□□□

石

住持少林志隆施銀五十兩

住持法王智顯施

銀廿五兩

前□持寶應定遷施銀一十兩

伊

關信土王彥康施銀廿五兩

前蘇州同知焦日

隆施銀五兩

曲陽居士安從道施銀一兩

碑文謬誕猶以儒家子自稱亦有覲面目矣

雪庭西舍記

高一尺三寸廣二尺二寸四分世二
行行十九字字徑六分正書在登封

新修雪庭西舍記

屏山居士李純甫撰

盤山僧德月書

晉達摩大士面壁九年神光宿業儒術且尚玄學遂見
祖師於此地立雪斷臂方得西來意盡發孔老言外不
傳之妙大顯於世士大夫有疑之者僕作面壁庵記已
辨之矣此記既出諸儒有譁而攻僕者曰觀密二師固
學佛者李翺王介甫呂惠卿蘇子由張天覺亦佞佛之

徒耳如伊川東萊無垢諸先生其視佛老如仇讎然子以爲得佛之道不亦誕乎僕笑應之曰諸先生之書尙在所謂陽擠而陰助者多矣真得祖師掃蕩之意學者疑其云々是對癡兒不得說夢也如致堂先生胡寅在伊川門下排佛之尤者著崇正辨七十餘篇詆罵斬笑無所不至雖然止罵像季以來破戒僧耳近得其所著讀史管見其言歷詆諸儒謂荀況正而失之駁董仲舒粹而失之泥楊雄潛而失之愷王通懿而失之陋韓愈達而失之淺由秦漢至五代千三百年無知道者至於斲輪操舟之工雕刻刺繡之功累丸升竿之習及其精

也疑於不可思度況人之所以爲有大於此者乎老氏
知之故有真以治身土苴爲人之說佛氏知之故有不
立文字指心見性之傳又曰老莊之言奧窈宏達非荀
楊諸子所能及又曰深讀佛書其庭戶未易知其奧窈
未易窮其辨未易折其精極之地未易到豈老莊所得
擬哉其說如此學者當熟思而詳考之吁陳無已謂儒
者不得其傳固得罪於儒者僕謂儒者亦得其傳又得
罪於儒者然則儒者果得其傳乎果不得其傳乎得與
不得相去幾何嗚呼噫嘻孔老復生不廢吾言矣遂書
此言以爲雪庭西舍記

興定六年二月 日化緣居士王知非

勸緣住持傳法嗣祖沙門 志隆 立石

達磨西歸相贊

高二尺一寸廣一尺一寸上方題字十五行象
左刊石一行行字大小字體均不一在登封

太白山普明頌

達磨入滅太和年熊耳山中塔廟全不是宋雲葱嶺見
誰知隻履去西天

太原比丘祖昭繼明謹書

大安己巳嵩高少林重刊

達磨當年住少林武牢人去覓安心安心不見安心法

正脉通流直至今

慶壽教亨稽首贊法王祖昭顙首謹書

興定壬午端月二十一日

達磨祖師隻履西歸相

西洛永安軍牛兒鎮劉漸等施□□張道筆□古

刊住少

下失拓

興定壬午值宋嘉定十五年是年金改元光此刻
尙稱興定知改元在端月後矣

重刻吳道子畫先聖小影

高二尺二寸五分廣一尺五寸上方題記十六行行
八字字徑五分下方象左右款各一行正書在魯山

學

唐吳道子畫

先聖爲魯司寇時像二本其乘車而羣弟子從者號曰圖立而先師侍者號曰小影世人求合孫卿所謂如蒙俱轉失其真乃摹小影于石而鑱之壁夫聖人蓋有不可以見見而聞聞又況以像求耶然學者緣貌觀其道緣形觀其人亦或有所得云大觀元年閏十月二十五日宣德郎充耀州州學教授尙佐均記

箕山野叟汝陽皇甫頎模刊

興定壬午孟秋望日魯山縣學進士山陽朱芾立石

荀子非相篇仲尼之狀面如蒙俱楊倞注曰方相也其首蒙茸故曰蒙俱案俱說文作顛列子作欺集韻或作魍

達摩象贊殘石

高存一尺三寸廣一尺上方題字九行行字不一字徑六分許行書又小字二行正書在登封

佛曰西沈大地如滌達摩西來夜半出日少室峰前九年面壁不說一字是默非默神光三拜依位而立汝得吾髓是得非得得不得却返西乾無處覓而今寫出掛盧堂拋向面前人不識識不識一二三四五六七咄

元光二年二月八日閑閑居士趙秉文題

嵩山大法王寺長老祖昭年將耳順奉溫敦相公命

繪

皇太后衛尉兼提點尙藥局懷遠大將軍溫敦祐勸

緣

布袋羅漢象贊

高一尺九寸廣一尺一寸上方題字十一行行字不
一字徑八分許象左右題字各一行較小均草書在

登封

皮袋皮袋包含法界優游地獄天堂任運屠沽娼勝杖
挑簪請承當可惜時人自昧兜率墮天未肯歸且向鄺
中混閻闍

元光癸未法王寺長老昭公繪贊

眾童行助緣

監寺文珙僧德瑋刊

老子象贊殘刻

高存一尺四寸廣一尺二分上方題字
七行行八字字徑六分分書在登封

大唐明皇御製

大哉至道無爲自然不終不始先地先天含光默默永
劫綿綿東訓尼父圖化金僊百王取則累聖流傳萬教
之祖玄之又玄

武洞精畫

以隸法審之似是宋刻訪碑錄列金從之武洞精

孫氏誤作羽清并以爲書人亦非

蒲察大使詩刻

高三尺五寸廣二尺二寸三截截九行行
五六七字不等字徑一寸五分許草書

蒲察大使索海市詩

應天以實不以文
人間世事徒紛紛
一自元豐感靈應
百年異代殊無聞
山東安撫心好道
一過蓬萊□□□
深期恍惚通仙靈
不見嘉祥□懷抱
是時巨海風濤息
萬里涵空視天碧
天邊□氣生紫煙
海上羣山削□壁
層々異木當頭現
甲馬神兵隨後變
雲幢煙蓋出山□
寶閣瓊樓浮水面
參差有若蓬萊宮
乍移三山出海東

鶴駕飄飄近西岸來向清時振道風

邱立

二字特大

蒲察金部落名詩爲邱立所書立上鐫一印繆篆有宗師字

僞齊

知河南軍府事孟邦雄墓誌

阜昌四年七月二十日萃編載卷一百五十九

母賈氏

缺賈字

兒時

時誤詩

遞相

遞作遞

干紀

干誤千

使安窀穸

缺使字

孟邦雄誌石前已跋尾在偃師金石遺文記內後覽熊克中興小紀云紹興二年夏四月時劉豫欲遷居東京而忠護軍翟興屯伊陽山以阻其路豫每遣人

往陝西則假道于金由懷衛太行取蒲津濟河以達
誌所指西京北路安撫總管翟興阻兵負險隔絕道
路卽其事也誌又載正月西賊叛逆順商號三州相
繼變亂虜掠百姓攻圍城邑大兵未集遽入西洛按
中興小紀知虢州董震初嘗從偽至是復歸正乃將
所部與琮并力襲取西京大金國志天會十一年春
西京留守孟邦雄爲宋翟琮所敗琮卽翟興子時爲
河南鎮撫憤大金發掘陵寢琮及董震以小寨餘衆
入潼關邦雄醉方卧俘其族以去潼關字疑誤然則西賊
謂董震也震知虢州在洛陽之西故也又翟琮引衆

擣孟邦雄營邦雄方醉卧遂將其族以歸與誌載被
執相符而誌旣云邦雄被害又父恩被傷致殞男安
世同日被禍則俱戮死于西京故邦雄得葬永安軍
蘇村之原也而熊氏謂詔琮押邦雄赴行在當日蓋
未成行矣陳振孫書錄解題以熊克爲是書往往疏
略多抵牾其有指于此也與授堂續跋

阜昌四年在宋爲紹興三年

八瓊室金石補正卷一百二十八終